



COUNCIL LAW

DISTRIBUTION GRATIS

VOL.X⁶III. Aug-Sept,2022
Regd : NO 1012 N.E

OFFICIAL ORGAN

LAI AUTONOMOUS DISTRICT COUNCIL

BOIPA CU KAN HUHPHENH NAAK A SI

* CEM in Rs. Nuai 25 senga sak LADC Rest House hawng

** MRB in Truck Mpunte Suction Machine LADC hnenah pe

** Pu Robert Romawia Sport Minister in India Independence Day Lawngtlai ah Hnam Puanzar pawtparh

** PU L.DANIALA EM (LAW & JUDICIAL DEPT) LADC CHUAN, LAI CUSTOMERY LAW LEHKHABU A TLANGZARH

** Notification

** PU HC.LALTHAWMLIANA EM CHUAN A BIAL CHHUNG AH WHEEL CHAIR SEM

**PU H.LALRUATKIMA EXECUTIVE SECRETARY LADC LEH MJA LAWNGTLAI DISTRICT-TE INKAWMHONA AN NEI

** Notification

** PU LALROPUA CHINZAH EM IN TEACHERS DAY A HMANPUI

** Notification etc.

**PU C.HRANGTHIANGA EM SYS, SPORT ASSOCIATION LEH DISCIPLINE HRANG HRANG HRUAITU TE INHMUKHAWM

Editorial Board

Editor

HC.Vanlruatpuia
I & PRO

Publisher

The Executive Secretary,
Lai Autonomous District Council
Lawngtlai.

LADC CEM V. ZIRSANGA'N DILTLANG 'S' A CHENG NUAI 25 SENG LADC REST HOUSE SAK THAR DT.18.8.2022 KHAN A HAWNG

Pu V. Zirsanga CEM chuan, LADC Rest House hawn theih a peih a ni ta chu lawmawm a tih thu leh hawn theih tura nasa taka hmalatu, Diltlang 'S' bialtu MDC Pu HC. Lalthawmliana, EM thawhrimna leh hmalakna chu fakawm a tih thu sawiin, Diltlang 'S' mipui ten hetiang a bial tana hmalatu thahnemngai bawk si, MDC an neih avanga an vanneih thu a sawi a. Pu C. Lawmsang zuala R&SO leh a staff theihtawp chhuah a tha leh zung sengt u te inpeknaah lawmthu ka sawi tak meuh a, LADC in Golden Jubilee kum 50 a tlin kan lawm chho mek zel a, he hun pawimawh tak kan ramin a tawn mek laia hnathawk thei tura dinhmun pawimawh tak chelhe theia thlan chhuah kan ni hi kan vannei hle a ni, vawiina roreltute hi kan fel ber lova, a tha ber pawh kan ni lovang, mahse Pathian in tun hun atan a ruatte kan nih avangin theihtawp chhuahin ram leh hnam tan kan thawk a, hmasawna duhawm tak tak pawh kan hmu chho mek zel a. Kan mamawh em em Rest House Diltlang-ah kan hawng thei pawh hi hmasawna ropui tak a ni a, khaulzin mi ten hahdam taka an awm theih nan Rest House chu hawn a lo ni ta a, thlenna atana chakawm leh nuam tak a nih zel theih nan tihchangtlun zel a ni ang, a ti bawk.



House tha tak leh nuam tak Diltlangah kan nei thei hi a lawmawm hle a, in bialtu hi a awm mai mai lo tih inhriat ka duh, hmalamah pawh thawhpui tlat zel turin ka ngen che u a ni, a ti. Pu Hc. Lalthawmliana EM bialtu MDC leh Pu C. Hrangthianga EM (i/c Rev) LADC te pohin thu an sawi. Diltlang South Rest House hi Cheng Nuai 25 senga sak niin, August ni 10, 2019 a thawhtan a ni a, November 25, 2021 khan sak zawh niin, Rest House ah hian Room 4 awmin, VIP Room pakhat a awm, Toilet Attached Room pathum (3) a awm bawk.



Editorial...

Hun reitak Hripui a len vangin Office kal mumal thei lova kan awm hnuin, Pathian hruaina changin huntha a lo in herchhuak hi a va lawmawm em.

Tunah chuan Office mumal takin kan kal leh thei ta. Kan Ram leh Hnam tana thawk kan nih rualin, kan eizawna hmun atan Pathian in min pek ani.

He kan Hnam Office ropui tak hi a lo zahawm a, hma a sawn zel theih nan mawhphurhna kan nei ve ani tih hi i pawm ang u. kan phak tawk theuhin hna pek kan ni a, chu chu rinawm tak leh taima taka kan thawh theuh a ngai a, Sawrkar in hnathawh hunchhung atan min ruahmansak hunchhung a mipui leh kan hotu ten min mamawh ang a hna thawk thei tura Office chhunga kan awm hi kan mawhphurhna leh Office kan tih zahawmna pawimawh tak ani tih hria in tan i la thar theuh ang u.

Social Media a min sawiselna zawng zawng hi chu a a dik vek bik lovang, mahse hmasawna tur kan nei tih erawh hria ila, kan thlen chin atang hian hma i sawi zel ang u.

MIZORAM RURAL BANK TEN CORPORATE SOCIAL RESPONSIBILITY (CSR) ATANGA LEI, TRUCK MOUNTED SUCTION MACHINE CHU, LADC HNENAH AN HLAN

Dt.22nd July, 2022 khan Mizoram Rural Bank ten Corporate Social Responsibility (CSR) atanga an lei, Truck Mounted Suction Machine chu, Pu Samuel L Warbah, General Manager chuan Pu V.Zirsanga CEM, LADC hnenah a hlan.

He hun hi LADC Conference Hall-ah Pu Joseph Lalremruata, Chief Manager, MRB, Lawngtlai Branch kaihhruaina hnuaiyah neih a ni. Pu Samuel L. Warbah, General Manager, MRB chuan Lawngtlai District chuan tun atanga hunrei lote ah, kawngpui tha tak neiin hmasawna ropui tak a hmuh a rin thu a sawi a, MRB hian Pawisa peipun ringawt a buaipui lo a, mipuite hmasawna leh hamthat na tur ngaihtuahin, hma ala thin tih a sawi.

P u V.Zirsanga CEM, LADC chuan MRB ten CSR kal tlanga LADC leh Mipuite mamawh em em Truck Mounted Suction Machine (Ek-paihna) an pek avang a lawmthu



sawiin, Lawngtlai mipuite leh a mamawhtu ten he motor hi tangkai takin an hmang dawn a, thianghlimna kawngah pawh hma kan sawn phah ngei a rin thu a sawi bawk. Lawngtlai District mipuite chu chhawmdawl ngai leh tih hmasawn ngai kan ni a, Lawngtlai District chhunga Bank awmte leh Company hrang hrang hmasawna hnathawk te chu, an tih theihna kawng zawnah chuan theihtawp chhuahpui turin a ngen a ni. Bank-a thawkte chuan an ei leh in zawna

hmun chu mipuite rawngbawlsakna a ni tih hre chungna, hawihhawm taka an thawk thin chu an fakawm hle tih sawiin, midangte tanpui duhna rilru nena an nitin hnah rinawm taka thawk zel turin a fuih bawk a ni.

He pick-Up truck hi Mahindra company siam a ni, tanky litres 1500 dawng niin, a Pump khawl hian darkar



khatah 350 cum a pump thei dawn a ni. He hunah hian MRB, Chandmary Lawngtlai Branch ten Model Village tana an thlan Paithar khua te hnenah Pick-Up truck hlanna an nei nghal bawk. Pu V.Zirsanga CEM LADC hi Pu VL Hmuaka Chairman LADC, Pu C.Rongura EM, (i/c LAD), Pu Lalropuia Chinzah, EM (i/c Agriculture), Pu Lalramenga ES leh official thenhkat ten an tawiawm a ni.

**SPORTS MINISTER -PU ROBERT ROMAWIA ROYTE HOIN LAWNGTLAIA CYLA
PLAYGROUND A INDEPENDENCE DAY HMANAH HNAM PUANZAR A PAWTPHARH**

Ramin zalenna a neih chapha Independence Day 15th Aug, 2022, Central YLA Playgound Lawngtlai a neih ah, Sport Minister Pu Robert Romawia Royte chuan Hnam puanzar pawtpharhin, Parade Contingent 20 ten Hnam puanzar chibai buk a chhang let a ni. Minister - Pu Robert Romawia Royte chuan Lawngtlai District mipuite Zalenna chibai bukin, India ram zalenna atana beitu Hnam pasalthate hrereng a, an thisen leh thlantui hmanga min valhsak, he ram leh hnam ropui nan leh hmasawn zel nan theihtawp chhuahpuiah mipuite chu a ngen nghal a ni. Khuallian chuan, Lawngtlai District chhunga Autonomous District pahnih, Lai leh Chakma Autonomous District Council leh District Administration ten thawhhona thatak an neih thu sawiin, ram leh mipui hmasawn zel nan thawhhona vawngnung zel turin a chah a, thawhhona tha tak mai neih hi inlungualna tinghetu anih thu a



sawi baw. Minister leh khuallian ni baw chuan, Covid-19 hmachhawna ah Sawrkar, Tlawmngaipawl, Kohhran leh mipui tanrualna chu lawmawm a tih thu sawiin, hrilaka him tura tih tur te ngaihpawimawh thar tul a tih thu leh hridanna lathei te la vek turin a sawm nghal a, hei hi kan tih ngei ngei ngai, kan tihmakmawh a ni, a ti baw. Pu Robert Romawia Royte chuan Lawngtlai District chhunga Sorkar Department in hmalakna leh hmasawna hna an thawh hrang hrangte sawiin, Kaladan Multi Modal Transit Transport Project kawngpui Kilometres 87.510 a thui chu zawhfel a ni tep tih sawiin, Lei

dawhtur pariat ah paruk dawhzawh tawh a ni a kumin chhungin he kawngpui hi zawhhman tum a ni, a ti a. Minister chuan tunhnaia Commonwealth Games-ah Jeremy Lalrinnunga leh Lalremsiami ten Infiamna khawvelah mahni hming chhera, Mizoram tihmingthatu an nithei chu lawmawm hle a ni, Lawngtlai District chhungah Cheng Nuai 12,044.20 sengin Infiamna tihchangtlun nan hna thawhmek a nih thu a sawi baw. Lawngtlaia Independence Day lawmna ah khuallian hian Independence Day puala intihsiakna buatsaiha lawmman late hnen ah lawmman a hlan bakah District chhunga mi hmingtha te hnen ah chawimawina a hlan baw.



Independence Day puala hun hmanzawh hnu hian Sport Minister Pu Robert Romawia Royte chuan Cheng Nuai 5019.43 senna tur Mampui ram a saktur Lawngtlai District Sport Complex lungphum a phum a, heta sum sentura ruahman atangin First Instalment Nuai 2258.74 chu hmuh ni tawhin, hnathawktu atan M/S Decor India, Guwahati thlan a ni. Independence day ni hian Pu V.Zirsanga CEM chuan LADC Conference Hall a At Home a buatsaih chu Kilho a ni.

**PU L.DANIALA EM (LAW & JUDICIAL DEPTT) LADC CHUAN, LAI
CUSTOMERY LAW LEHKHABU A TLANGZARH**


Pu L.Daniale EM (Law Judicial Deptt. etc) LADC changtu chuan, Lai Customary Law (Lai Miphun Phunglam) Lehkhabu, Law & Judicial Deptt. LADC buatsaih chu, LADC Hall Lawngtlai ah Khuallian niin a tlangzarh.

Pu L.Daniale EM chuan, Lai Customary Law, Lehkhabu vawiina tlangzarhna hun kan hmang thei leh tlangzarh thei tura buatsaih alo nita hi a lawmawm tak zet a, he Lehkhabu buatsaih anih theih nana, theih tawpchuaha buaipuitu, Law & Judicial Dept LADC a thawktute chungah lawmthu ka sawi



tak meuh a ni, a ti. Pathianin khawvelah hian hnam hrang hrang min dina, keini Lai hnamte pawh hi hnam kan nihna anga, kan dinchhuah ve theih nan leh kan hnam din ngheha a awm zel theih nana pawimawh em em mai, Lai Customery Law tha leh changtlung zawk kan lo nei thei ta hi hmansawna ropui tak a ni, kan Dan neihte hi chhawmnunga tangkai taka hman a nih theih nan NGO te kan pawimawh em em rualin chungkaw tin te pawhin mawhphurhna kan nei theuha, kan inzirtir thin a ngaia, kan Conference na hmun leh kan thil tihna hmun hrang hrangah kan inzirtira kan sawi tam pawh a tul hle dawn a ni, hnam kan nih angin kan chanchin leh kan nih phung pawh hi ziaka kan dah thata kan hlutthiam a ngaia, kan mi hmasa leh ram leh hnam tana theihtawp chhuaha sul lo su tawh ten thuziak hmanga hma an lo laktawhna te hi azahawma, thangthar

lekhka thiam zawkte hi kan thangharha, kan History te hi ziaka vawngtha zel turin mawh phurhna kan nei a ni tih hriaa tan la zel turin ziakmite leh thalai lekhka thiam zawkte hian tan ila thar zel ang u, a ti bawk.



Pu L.Daniale EM chuan, Pu V.Zirsanga CEM kaihruai Sorkar chuan Law & Judicial Dept LADC pawh changtlung zawk leh tha zawka hmasawn tir tumin theihtawp chhuahin hma ala mek zel a, mipuite pawhin LADC hnuai kan Court neihten an tih theih ang angah hian chhawr tangkai tum thin ila, hmundang kan pan fo chuan kan Law & Judicial Deptt- te hlutna hi mi tam zawkin kan hre lo ang tih pawh a hlauhawma chuvangin mipui ten kan pan hram hram hi atul a ni. Kan NGOs-te pawh hian hemi kawngah hian tan la thar ila, Law & Judicial LADC ten antih ve theih chinah hi chuan i pan hram hram thin ang u, tiin ngenna a siam bawk.

He hunah hian Pu H.Lalruatkima President & Recorder, Law & Judicial Deptt LADC chuan, Lehkhabu buatsaih dan leh hmalak dan hrang hrangte sawiin, kalkhawmte leh Customary Law Drafting Committee member zawng zawngte thawhrimna leh inpekna avangin

lawmthu sawina hun a hmang a, Pu LH Ramdingliana Assistant Arts & Culture Officer-in Lehkhabu thlir zauna leh thiltul dangte a sawi bawk. Aman hi Rs.150 a ni."



NO.G.26019/1/2022 – LADC/ FIN
LAI AUTONOMOUS DISTRICT COUNCIL
FINANCE & ACCOUNTS DEPARTMENT

Dated Lawngtlai, the 3rd August' 2022

NOTIFICATION

In the interest of public service, and in line with Modified Assured Career Progression Scheme, 2020, the Lai Autonomous District Council is pleased to constitute a Screening Committee in respect of up-gradation of pay under MACPs, 2020 as shown below with immediate effect and until further order.

For Gazetted Officers :

Chairman	:	Executive Secretary
Member Secretary	:	Under Secretary (<i>Finance</i>)
Committee Member	:	Under Secretary (<i>GAD</i>)

For Non - Gazetted

Chairman	:	Secretary (<i>Finance</i>)
Member Secretary	:	Assistant Accounts Officer (<i>Finance</i>)
Committee Member	:	Superintendent (<i>PRC</i>)

The Screening Committee so constituted shall convene a periodical sitting twice in a year preferably in the months of January and July to deal with all cases relating to up-gradation of pay under MACPs 2020.

(B. LALHMINGMUANA)

Secretary (*Fin*)

Lai Autonomous District Council
 Finance & Accounts Department
 Lawngtlai.

PU HC.LALTHAWMLIANA EM CHUAN A BIAL CHHUNG AH WHEEL CHAIR SEM

Pu. HC. Lalthawmliana, Diltlang bialtu chuan a bial chhung Diltlang ah a thawh hnihna turin, rualbanlo mi pathumte hnenah, khawlai êng a an kalkual ve theih nan wheel chair a hlan. Hlanna inkhawm hi Pu T. Lalsawipua VCP Diltlang chuan kaihruiin, Upa T. Lallianngura of BCM chuan hunserh a hmang. He inkhawm ah hlan, hetiang thil kan chang leh ta hi a lawmawmzia mi pathumin an sawi.



Pu Hc. Lalthawmliana bialtu MDC chuan thusawina neiin, Thil tha ti atan, Krista Isua a siama awmin, ama kut chhuak kan ni si a, chu thil tha tih chu kan awmna turin Pathianin a buatsaih lawk a ni, tia Pathian Thuin min hrilh chu Pastor leh Upa, Rbt te chauh tih tur a nilo. Mipuiten min thlan chhan pawh hi, Pathian thu anga thil tha tih ani. Thil tha tih tur hi ka hre zo lovang, hria pawh ni ila ka ti seng lovang. Nimahsela, tih tur awm inhriatte chu min finchhuah pui zel turin ka sawm che u a ni, tiin mi pathumte hnenah an

mamawh em em wheel chair chu Dt.1.9.2022 khan a hlan a.

Pu H.LALRUATKIMA EXECUTIVE SECRETARY LADC CHUAN MJA LAWNGTLAI DISTRICT-TE LENGAH SAWMIN INKAWMHONA AN NEI

Pu H.Lalruatkima Executive Secretary LADC chuan Dt.2.9.2022 khan MJA Lawngtlai District -te chu lengah sawmin a roomah inkawmhona hun an hmang.

Hetah hian Pu H.Lalruatkima Executive Secretary chuan thusawiin, Dt.31.08.2022 khan Executive Secretary LADC Office luah turin, charge ka laa, Dt 1.9.2022 atangin Executive Secretary LADC hnathawk turin Office ka luah tan a, LADC Officer leh LADC hnuaiia thawk Association hrang hrangte nen inkawmhona hun kan lo hmang tawh a, tun hunah hian ka ngaih pawimawh em em mai, MJA Lawngtlai District te nen inkawmhona hun kan hmang leh thei tur leh Room min rawn luahpui thei hi ka lawm tak zet a, Pathian zarah he hna hi thawk theia ka awm chhung chuan, MJA Lawngtlai te nen hian thawhhona tha tak neih ka duh a, ka sawm bawk che u a ni, Mihring famkim lo leh thil tvisual thei leh kan tihawm tak tih loh pawh kan nei thei a, chung zawng zawngah chuan min finchhuaha atul ang zela thurawn min pe thin turin ka sawm duh bawk che u a, rawn leng thin tur pawhin ka sawm nghal bawk che u a ni, a ti.



Pu H.Lalruatkima ES chuan, Chanchinbu mite chu kan ram leh hnam tan hian in hlua in Chanchinbu Editorial te hi mitam takin kan chhiar thin a, heta tang hian mipuiin Editor-te dinhmun tur hi kan lo thlir

thin bawk a, chuvangin, Kan ram leh hnam thatna tur leh hmasawwna tur hi Editorial inziah atang hian thui tak a inngah thin avangin, LADC kan neih hlutzia leh hma kan sawwna tur mipui hnena zirtirna lam hi puangzara hma min lakpui hi ka duh hle a, mi tam takin Social media ah LADC sawiselna leh a hmalakna te an sawisel thin a, an sawi ang zawng zawng hi a dik vek bik lo thin niin kan hria a,

chuvang chuan, thudik zawk leh rintlak zawk puangzar thintu innih angin, thawh hona tha tak nen, LADC hmalam hun thlir chungin hma ila ho zel ang u,tiin MJA te chu a sawm bawk a ni.



Pu Lalnggheta Ralte President MJA Lawngtlai pawhin thusawiin, LADC Executive Secretary thar kan nei chauh emaw kan tih laia, a roomah leng tur leh inkawmhona hun nei tura min sawm nghal mai hi kan lawm tak zet a, kan lo nel tawh sa em em a ni leh zel hi a lawmawm kan ti a, inthlahrung hauh lovin, LADC Office kan tlawhin kan dawr thei dawn tih a Chiang a, kan phak tawk leh kan theih ang chinchinah lungrual taka thawhho zel tha kan ti a,

Social media hman kawngah kan fimkhur tlan atul hle, mipui leh sorkar hnathawkte ngei pawh kan fimkhur tlan a ngai a, Sorkar hnathawkte sawiawm a ni em, tih tur hi Social Media-ah hmuh tur awm leh zeuh thin pawh hi kan inhrilh hriat ve deuh chu a ngaiin ka hria, a ti a. MJA Member dangte pawhin thu an sawi bawk.

Pu H.Lalruatkima ES LADC hi Pu LZ Tluanga Joint Secretary GAD chuan tawiaawmin, Lawmthu sawina leh MJA Lawngtlai District leh LADC sorkarin thawhhona tha tak an nei thin chu lawmawm a tih thu leh hmalam hunah pawh inthlahrung lova, mamawhna leh tul an neih hunah leng thin tur leh, a tul anga lo tanpui thin turin an inhuam reng thu a sawi bawk.



NO.C.31012/2/2021 – LADC/GAD
LAI AUTONOMOUS DISTRICT COUNCIL
GENERAL ADMINISTRATION AND CONTROL DEPARTMENT

Dated Lawngtlai, the 15th September, 2022.

CIRCULAR

It has come to the notice of the undersigned that there has been some confusion in connection with this Department Circular Vide **No.C.31012/2/2021-LADC/GAD Dt.13.9.2022**. It is hereby clarified that Last Pay Certificate (Form) will be issued by the Departments as specified in the said circular.

Details of Pay/Salary will be filled-up by the department where the applicant is drawing his/her salary and will be verified by the Cashier/Bill Assistant in the department. Service record portion will be filled-up and verified in the GAD – Personnel & Administrative Reforms Wing (P&ARW) as it was done before.

The **Disbursing Officer** of each department where the applicant is drawing his/her salary will be the competent authority to sign in the Last Pay Certificate.

Sd/- H. Lalruatkima
Executive Secretary
Lai Autonomous District Council
Lawngtlai.

PU LALROPUA CHINZAH EM IN, ABIAL CHHUNG SCHOOL TE TEACHERS DAY A HMANPUI

Pu Lalropuia Chinzah EM chuan, Dt.5.9.2022 khan a bialchhunga, School hrang hrangte tlawhkualin, zirtirtute teachers' Day chibai a buk.

Zirtirtute chu Kan ram leh hnam hruaitu tur leh kan hmalam huna, mi pawimawh tak tak la ni tur, zirlaite enkawltu an nih avangin, an Zirlai mai ni lo, Nunkawng tha leh Chhengkua, Khawtlang leh Ram tana, chhawr tlak mipuitling tak ni tura, zirlaite chu enkawl tura fuihin, a bialchhung Schoolte phei chu School dangte entawn tlak ni thei tura tan la theuh tura a beisei thu a sawi.

Pu Lalropuia Chinzah, EM, chuan harsatna an nei anih pawhin a hnena thlen hreh lo tur leh, a theih ang anga hmalakpui a in huam thu a sawi bawka, Official leh Khawtlang hruaitu ten an tawiam a ni.



**Pu C.Hrangthianga EM SYS, SPORT ASSOCIATION LEH DISCIPLINE HRANG
HRANG HRUAITU TE INHMUKHAWM**

Pu C. Hrangthianga EM SYS Department LADC leh Sports Association leh Discipline hrang hrang hruaitute Dt.29.8.2022 khan inkawm hona an nei.

Pu C.Hrangthianga, EM, SYS Department, LADC chuan Lawngtlai a Sports Association hrang hrang hruaitute leh Discipline hrang hrang hruaitute lengah sawmin, a roomah inkawm hona hun an hmang. Pu C.Hrangthianga chuan Sport Department, LADC in an hmalakna leh hmachhawp hrang hrangte sawiin, inkawm hona neih a duh chhan chu, sport discipline hrang hrangte inkarah



thawhhona tha zawk an neih theih zawk nan leh Sport Association hrang hrang leh Discipline hrang hrangte hmalaknate hriatpuia atul ang zela hmalakho zel dan turte in hriatpuia a theih ang anga thawkho zel tura a duh vang anih thu sawiin; An hma zawnah theuh hlawhtlinna tha zawk leh hmasawna thar an neih a duh a, LADC Sport & Youth Services Department te leh Lawngtlai District a Sport Association hrang hrangte leh Discipline hrang hrangte n thawhhona tha tak mai an nei thin chu lawmawm an tih thu leh talent nei tha zawngchhuaka hmalakpui zel tura a duhthu a sawi bawk a ni. Sport Association hrang hrang hruaitu kalte

pawh in, Sports & Youth Service Department LADC in an hmasawna tura kawng hrang hranga hma alakpui thinna zawng zawngah lawmthu sawiin, hmalak dan tur leh Lawngtlai District a Sport Discipline hrang hrang ten hma asawn theihna tur te sawihona neih a ni.

He inkawmkhawmna hun hi, Pu C.Hrangthianga EM LADC chuan kaihruin Pu T.Hmangaih Johana, SYS Officer in a tawiawm a ni."

LADC GOLDEN JUBILEE ORGANISING LEH LDFA OB TE THUKHAWM

Lawngtlai, 27.7.2022: dar 2:00pm khan CEM LADC Conference Hall ah, LADC Golden Jubilee Organising Committee leh Lawngtlai DFA Office Bearers ten Meeting an nei.

LADC Golden Jubilee Organising Committee- in a lo rel tawh angin Golden Jubilee lawmna a Football Tournament buatsaih dan tur sawiho niin, he Golden Jubilee hi Inter Village anga khelh nise tiin an rel. "LADC Golden Jubilee lawmna pui ber hi kumin November thla hian neih a ni dawn a, chumi mil chuan Football Tournament pawh hi buatsaih ni se, tih a ni a, thiltul leh pawimawh chu la ngaihtuah chhonzawm zel tur a ni ang.